

樊

山

續

集

樊山續集序

昔南皮師嘗曰洞庭南北得二詩人王秋歌行雲門今體皆絕作也又嘗評其集云詩第一詞亦第一駢文第二而李會稽亦云今世學人能詩者皆幽遠要竊取有別趣若精深華妙八面受敵而爲大家者老夫與雲門不敢多讓此皆二十年前長老評隲之言也雲門才氣儻逸不可一世而虛中善受世鮮知者自以弱冠以前未嘗學問深用自惜及從南皮師游得其指授乃沈思銳進無間寒暑同輩中高才博學者皆兄事之余戊辰歲識君於夷陵朝夕過從行役必偕者凡十二年爾時少年氣盛譏訕流俗凌侮貴游謗者蠶起兩家大人交相譴斥或至禁斷往來而吾兩人交益密名亦日盛君以貧故負米養親主講於荆郢間尊人永州公性方嚴宜

之人無敢近者余時時起居撰杖進履歡然無閒蔬飯茗果
悉從內出君居外歲必再三歸覲歸必增詩文數帙異書數
種或十數種叩其所得日新月異往往莫測其所從來比再
歸再見則新作益夥舊所見者十不存一二其精進如此君
在外則以家事委余戊寅歲余以寫官得知縣赴都引覲先
君子瘳疴東湖君日至卧榻省視清言竟晷先子賴以解憂
偶不至則曰雲門胡不見此可見兩家交誼矣余與君三赴
禮聞舟車往復率嘗共載驛牆寺壁題咏殆徧每酒酣興發
狂呼絕叫莊言謔語大書小草必使壁無隙地而止逆旅主
人憎之或加聖焉亦弗顧也君自弱冠以後入無室家之樂
出爲鄉人所忌居嘗作石勒語曰奈何使我與此輩語每入
都朋簪雲合興會殿舉歌樓飲肆游宴無虛日所與交皆浙

人自吾家子珍外連鑣競爽者以百數君非友朋不樂時或
廣座宴集非得君亦不歡也君聰明天賦五官並用筆舌所
至顛倒英豪彫繪萬象時人畏而惡之而勝流夙士推襟送
抱莫不賞其奇逸下至市估酒傭奉君使令奔走恐後同年
潘伯循嘗曰此曹獨忠於雲門吾所不解濮紫潛亦曰雲門
於天下事無不可爲獨不知堪將兵否羊辛眉曰君將家子
寧不堪作將耶其爲同人推服如此生平輕俠好義喜面折
人過四十以後意氣都平充然有道之士余自己卯秋與別
越十年乃再見於金陵覽其文筆望洋而歎及縱言吏治品
第人才析理譚元英特亮拔又居然王景略謝文靖一輩人
益嘆賢者之不可測也歲壬辰余與君俱爲首邑秦吳千里
書問無虛月及君居渭南余來徐州君彈琴而治余戴星出

入而治才之相去寧止三舍而已其見寄詩云唱酬圍客同
功蘭政事羊曇對手棋余深愧之所刻樊山集二十六卷始
庚午終甲午越三年又得詩四百七十餘首付諸聚人而郵
書索序自君再入關刑名錢穀箋啟會計之屬皆身自爲之
而定興密縣諸公更以記室參軍見委他人十口不及詳十
手不及書者君獨從容庀治咄嗟立辦而酬對賓客處分庶
事常沛然有餘居渭稍久號號改行風俗清美他州之民稱
渭南爲仙界時有越境控訴者或疑君勤求民隱綜覈精嚴
何能分題賭韻如其在公車時不知君之於詩如陸羽之茶
劉伶之飲義取自娛事無妨廢居常服膺宋儒玩物之誠公
事未畢不得讀書觀畫及退食蕭然綠茗一杯石葉數片清
吟抱膝入興成章圓若流珠熟於美醞蓋自少至老口誦之

書殆逾萬卷手鈔之牘不啻百本腹笥充積俯拾卽是每見人苦吟三日不成一字或積學半生著書不盈寸許者輒目笑之以爲鈍士昔劉後村有言古人好對偶被放翁用盡今人不能道語被誠齋道盡若吾雲門者其殆兼之歟其殆兼之歟雖然此特君之餘耳吾獨惜其抱洛陽廣川之才隕然以百里終此又命數之不可解者矣光緒二十二年歲次丙申十月朔年如兄陶在銘敘於銅山官舍

自敘

余九歲始就傅七歲已能屬對時方讀唐詩先君曰汝能對
開簾見月否余應聲曰閉戶讀書先君心喜之而慮其狂也
訶曰書可對月耶時架上所有自太白香山放翁青邱而外
惟袁蔣趙三家余不喜蔣而嗜袁趙放言高詠動數百言長
老皆奇賞之十五以後專攻舉業而不廢歌詠自丁巳訖己
巳積詩千數百首大半小倉甌北體自餘則香奩詩也庚午
歲從南皮師游始有捐棄故技更授要道之嘆舉前所作悉
火之故存稿斷自庚午時迭主潛江江陵講席稍稍以餘金
買書或從人借讀且讀且抄且作夙昔下筆千言至是七言
八句或終夕不成或脫稿斤斤自喜閱時又焚棄之自庚午
至乙亥所作又千餘首痛自芟薙存其十之一釐爲上下二

卷曰雲門初集丙子報罷居李恣伯師宅過夏與師及子珍
彥清迭相唱酬既而假榻蓮池黃子壽師實爲盟主褚叔寅
方子謹並同硯席賡和愈多丁丑通籍侍南皮師於京邸教
以經世之學書非有用勿讀卒亦未廢吟嘯起丙子春訖丁
丑秋得詩一卷曰北游集丁丑秋仲出都冬仲歸覲承色笑
居里門者凡九閱月涉厯江海偃息家林命其所作曰東歸
集戊寅秋入倪荊州幕是冬入方武昌幕歲盡始歸己卯春
游滬上其夏歸漢口憩陳氏江樓沿溯風潮流連朋酒哀其
詩曰涉江集己卯冬入都庚辰散館改知縣選司注牒燕市
行歌是時言路方開清流奮起余坐聽批鱗之論間同歌酒
之筵譏之者曰遨遊隴蜀之間譽之者曰趨步申屠之後皆
弗恤也庚辰辛巳周一歲得詩如千篇曰金臺集辛巳春以

外憂歸伏處堊廬青琴絕韻大祥將屆觚翰始親自壬午冬
迄癸未凡十閱月與子珍同在鄂中書局子珍嘆余詩益高
增因憶宋人詩須放淡吟之句命之曰淡吟集癸未冬謁選
入都偕壽平居萬明寺寺在前明曰水浙與恣師敦夫辛楣
爽秋會生伯熙昕夕過從飛箋賭韻南皮師自晉入覲又日
與再同侍側朋簪之樂於斯爲盛命其所作曰水浙集甲申
春得宜川令秋孟出都恣伯師謂余曰子之詩信美矣而氣
骨少弱關中漢唐故都山川雄奧感時懷古當益廓其襟靈
助其奇氣老夫讓子出一頭矣重九後至秦其行役之作曰
西征集自甲申冬訖丁亥星紀再遇余自宜川而咸甯而富
平而長安易地者四勞形案牘掌箋幕府身先羣吏並用五
官猶以餘閒結興篇章怡情書畫嘗以春興八首寄恣伯師

報書曰子詩日益道上曩所許不虛矣宰長安六閱月以禮去官在官所作曰關中集余以積瘁之身游丁大故遂得略血疾寅僚慰解方藥將護至戊子春杖而能起僑居三輔自比桐鄉將及小祥瑟居無俚乃結青門萍社同志十許人更唱迭和哀其所作曰關中後集己丑四月歸營窀穸由丹江沿漢而下至於彝陵途次所作曰還山集是時南皮師督粵子壽師撫蘇皆飛電見招六月如吳寄家滬上七月從子壽師至金陵監臨鄉試九月返滬十月如粵會南皮師移節兩湖相從還鄂明年庚寅二月釋服八月入都兩歲之中經行萬里命其詩曰轉蓬集在金陵時與子壽師撫闡中雜事詠之以備掌故別爲紫泥酬唱集一卷附轉蓬集後入都與悉伯師相見別七年矣執手悲喜文醺無虛日時則澣蘭丈喬

梓子培昆季敦夫漁笙叟甫紫潛伯循再同伯熙廉生結駟
連鑣朋簪雲合自秋徂春唱和至數百首分爲二卷曰京輦
題襟集是歲十月嘗與內子奉外姑游西山得詩如干首憶
甲申三月曾偕朱舍人往游題詩靈光寺塔之巔內子時猶
未聘隨母燒香見之內兄謂之曰汝履危卽怯彼題詩者當
何如內子微哂曰岳正膽大時亦不知誰何也比五月卽來
歸偶話其事余曰膽大者老奴也相與大笑及庚寅偕往則
粉堊詩壁矣爰合兩游西山詩爲一卷曰西山集附題襟集
後辛卯二月出都歷晉入秦凡所經由皆甲申故道也命其
詩曰後西征集時定興公再撫關中命掌箋奏所作曰渌水
集壬辰元日再履咸甯任咸甯在唐爲萬年縣所作曰萬年
集以上三集合爲一卷癸巳二月到渭南任邑爲白太傅故

里所居曰紫蘭村余因以紫蘭名堂是歲哀錄叢稿付之剞劂在渭所作曰紫蘭堂集余三十以前頗嗜溫李下逮西崑卽疑兩集香草箋亦所不薄閒情綺語傳唱旗亭化身億千萬言什九別爲一冊如古人外集之例附於諸集之後曰染香集殿焉此樊山詩集初刻也余宰渭南六年邑大政煩又遙領幕府事歲嘗六七詣省門深形況瘁居既久吏民翕然訟獄稀簡乃稍葺治官舍其聽訟之所曰鏡煙堂用陸平原我靜如鏡民動如煙語也治事之舍曰身雲閣署東偏有隙地繚牆葺宇以爲東園闢紫蘭堂之東廂與園通兩面綺錢夾蒔花樹曰交花舫舫之外曰畫妃亭與舫相接者曰連心花移其堂屋曰晚晴軒東曰夜話齋與軒相對者曰東風亭每以政暇觴詠其間自甲午刻集後逾二年至丙申秋又得

詩若干首分爲四卷曰鏡煙堂集曰東園集曰東園後集曰
身雲閣集付諸槧人此樊山詩集二刻也丙申以後再入都
門不次之遷留叅軍事已而烽煙轉徙問道歸秦意外風雲
眼中桑海感時述事贈影荅形七年之間積稿盈尺乃復哀
而梓之自丙申秋至丁酉夏有詩百許篇居京師時爲爽翁
持去遂不復還亂後畢力蒐求得四十餘首題曰身雲閣後
集丁酉計薦入觀五月去渭瓜疇避暑篇詠遂多兩月之中
可盈一卷曰青門銷夏集八月發西安重九抵都故交則伯
熙廉生午橋壽平朝夕相見長白相國嘉定尙書南海侍郎
命酒賦詩月嘗數集而婦家羣從並在門牆竹筵兄弟繡漪
姊妹立雪受書而稱弟子典釁沽酒而奉先生出則角逐雲
龍歸則滿懷珠玉流連半載乃始西還凡所賡酬釐爲三卷

曰朝天集戊戌三月回渭南任七月內召八月解任在渭所作曰晚晴軒集是年十月還西安倦馬脫羶徘徊不進典屋於東柳巷爲寄孥計而勞薪暫息 明詔連催戀茲一畝之宮藉卒三冬之業命其所作曰柳下集小除日發西安己亥二月至都途次所作曰赴召集既入對遂以道府叅武衛軍事于時竹簟爽秋伯熙廉生駿甫壽平並集輦下文酒之醺不減甲申丁酉時余卜居北池屋後起臺曰北臺內苑垂楊玉河紅藕倚欄斯見觴客無休起己亥三月迄庚子五月得詩二卷曰北臺前後集既而都下奇變構釁西鄰似典午之阡危甚揚州之妖亂乃獻書府主潛備 西巡願效前驅脫身虎口徑宣府歷大同入雁門涉代郡崎嶇兩月復歸於秦身非杜陵沈吟天寶才慚陸九遭遇興元命其所作曰執父

集是年七月還秦依午橋幕府未幾而京師瓦解萬乘西
行霸上迎鑾西京駐輦萬方珍貢四海衣冠鱗集青門於
斯爲盛雖復時丁板蕩運際顛冥而舊雨紛來陽春迭和幽
憂輶結篇詠滋多自秋徂冬得詩一卷曰西京酬唱集十一
月余蒙恩備兵皖北有詔仍留行在

慈聖諭府主曰自今機要文字可令樊增祥撰擬仍當祕之
勿招人忌也聞命感泣黽勉馳驅是冬設政務處與陳侍
郎竝充提調故備兵以後陳臬以前彙其所作曰掌綸集辛
丑春暮城東道院綠牡丹作花中使翦以進御遂邀同志
作牡丹詩竟三月一月得詩六十餘首命之曰落花集是年
夏與顧五易五子修笏卿唱和尤數哀爲一卷曰西京酬唱
後集六月朔除陝西臬司八月署藩司壬寅四月復還柏臺

藩署爲唐中書省故址音聲樹在焉余往復薇柏之間不少
汀蘋之興彙其所作曰音聲樹集是歲科舉改章秦晉合闈
故事科場提調以糧儲道領之吉甫中丞倚畀過深奏派斯
役入闈伊始昕夕不遑旣畢三場詠觴間作今之監試昔之
府公首唱雅音四星繼和周旋鞭弭投報瑤琬蠶葉有聲想
見歐梅當日驪珠在手居然劉白同時已命其詩曰煎茶集
自丙申迄今爲詩十七卷盡以付梓此樊山詩集三刻也
光緒二十八年九月恩施樊增祥樊山甫自敘

樊山續集卷一

恩施樊增

身雲閣後集

偶得古陶器戲賦

不金不石不木非瓶非鉢非錯位置桑連理館供養花之寺
僧苦茶僅差一水糙米劣容二升識得細泥粗做風流何減
宜興

再悼子珍

陶家堰口盡垂楊玉骨生苔已十霜化作鴛鴦生便俊苗爲
蘭蕙死猶香清言尙記飄花雨玉貌何曾見髣髴少婦祇今
非盛鬢縞衣愁坐鬱金堂

占斷詞名三十春芙蓉城裏作花神性情自喻瀟湘水

君畫
蘭軒

題曰前身吐屬居然魏晉人萼綠仙妹爲近侍畫蘭女子是

前身是伯師嘗曰子珍一坏瘞玉青山側稗柳雛桃歲歲新

冬日卽事

政拙慙時譽交疎結古懽老知爲善樂貧覺去官難持酒從
僧飲將書就月看蓮花峰頂雪來作縣廳寒

益壽資靈藥齋心轉念珠手書美人賦貌入醉僧圖桑菊堪
明目酥醒笑污鬚身同子由瘦誰勸食花豬

家世儒兼俠飯依佛與仙兒傳克敵弩妻蓄飯僧錢古器勝
金玉書聲當管絃龐公及郭令併作畫圖傳

大子徒希蘭髯翁愛和陶將詩爲日記以酒當年勞女慧雕
紅紙兒驕炫錦袍燈前側紗帽親手煮松濤

政令如冬日風光愛晚霞百園養喬木盈尺蓄硃砂身是拔

心草官如寫意花縣庭落薜積何異野人家

展畫雲頭活煎茶粥面濃解饒糟郭索養胃密門冬玩鶴常
摩頂憐麋不取茸庭階生意足春草又惺忪

盆裏紅梅樹參差倚畫欄花疎饑雀啁臆暖凍蜂彈坐久從
香燼閒多借畫看吾廬好風日松竹盡平安

閤井安耕鑿潢池息弄兵買牛秋有穫吠犬夜無聲民樸須
知學官清要近情何須刪鄭衛歌舞是昇平

秦俗好演劇
余弗禁也

丙申臘日雪中疊韻四首

廣庭雪掩一方苔冷醉閒吟節候催冰在鬚時妨鍊字月當
頭夜負行杯雀飢自啄芳梅蒂蟻螯全封牡菊灰見說灞橋
泥沒髀凌風誰策蹇驢來

冰合銀牀凍井苔瑤花莫是剪刀催占年戶擊迎貓鼓出獵

兒斟上馬杯玉屑和成桑麥藥粉雲篩作豆稽灰千山萬徑
稀人鳥時有孤鴻海上來

錦褥鋪成稱意苔佳眠無奈曉鐘催軟簾密似同功繭香炕
溫於自煖杯朝食數匙紅豆粥夜談一寸白檀灰頻年居近
雲臺寺要與麝皮賭睡來

五年不踐玉京苔最憶宣南臘鼓催博士老依天祿火相公
暖呷地黃杯漢家苑樹無非玉媧后蘆花總作灰教唱旗亭
新樂府幽蘭黃竹莫偕來

賦得鼠嫁

依約金堂簇彩雲黃鬚兒亦解溫存乘車夜夜迎新婦得肉
時時遺細君棗栗盤中修婦職牡丹花下謝姑恩漢廷老吏
多風趣爲汝重摛合羣文

居然嫁娶擬朱陳拱揖階前禮數真三歲食苗曾待字幾番
舐墨似懷春質春也學梁鴻禮緣壁休窺宋玉鄰今夕粗酬
兒女願月中瀟洒白衣人

沈沈洞戶鎖銀泥喜入燈花小院西松竹梢頭新眷屬米鹽
堆裏好夫妻莫翻蘇笥迴文錦穩上秦樓百尺梯多恐衙蟬
驚好夢紅簾深押膽孃犀

金環國裏紫衣郎青鳥銜珠夜有光比翼定成紅蝙蝠爲鴛
亦是小鴛鴦倉中匳贈多香米社後佳期聘海棠好學盧家
梁上燕雙棲常傍鬱金堂

丙申除夕

手麾檻鹿放籠禽情法叅差費斟酌豈必縱囚師往事趙衰
冬日是吾心

曉起東風入畫簾迎春送臘一時兼渭南五換春牛土歲歲
梅花撲帽簷

豐年簫鼓滿花村吏到桐鄉敢不循今日琴堂一杯酒殷勤
斟與力田人

兒女團欒橘酒香誰知海上有滄桑山妻莫羨金魚貴好辦
東吳范蠡裘

故人書至說從前並轡雕陰雪滿川一種清涼好山色回頭
僧飯十三年

戟鬚春草一時生坐擁香鑪好句成三十年前老鄉貢玉梅
花下尙風情

繞膝依依幾鳳雛裁紅弄墨最情娛長安畫估知人意遠致
焦春百子圖

青門走馬謁紅箋僕僕今蒙大府憐乞與紫蘭堂裏坐喫茶
看畫過新年

丁酉元日迎春

小隊青旗繞露壇明輿前後簇金鞍九英花下曛曠日光射
通梁柱後冠

綵燕皮金翦貼新兩河齊迓歲朝春東風來路君須記迎著
梅花拜喜神

玉杯春酒綠生鱗春入瓊筵已十分道草頭花三百朵吏人
簪髻盡紅雲

龍尾村頭春雪消童男打鼓女吹簫東風遞了芳梅信又蘸
鵝黃上柳條

三月三日清明示玗孫

茶煙浮瓦雨初晴臨帖繙書几硯清怪底蘭亭如丙舍可知
上已是清明

彥清同年枉和奉懷之作疊韻報之

臯比坐擁幾春秋話到宣南始欲愁弟子編成新語錄伶人
傳唱舊歌頭深衣籠罩三千士淡粉依稀十二樓儒俠古今
誰合傳我輸君豈止三籌

縣庭閒置寫書官收拾珊瑚與木難仙舄一雙誇子晉帝車
第七美兒寬身將秦漢尊彝比詩當仇唐畫本看終是故人
稱引過強扶弱羽上高竿

彥清訂尋芳之約再疊前韻

淡黃柳色白門秋曾記當年訪莫愁青漆闌干教按拍水精
簾閣看梳頭羞拈燭下雙羅帶笑問詩中幾酒樓併作庾郎

今日憶子規聲裏數更籌

十年紅尾署粗官惆悵清溪訪戴難
季重愁多書字少隱侯腰瘦帶圍寬
昔曾玉樹風前倚今剩花枝霧裏看
欲把金龜換歌酒香衾穩臥日三竿

答劉明府見寄卽用留別

火馬奔馳不可任斯人齋閣獨情悵
庾郎祇許飯三韭蜀守猶嫌多一琴
入世總趨平進路救時須用頂門針
百年粗糲儒家事肯以黃金易素心

三十年前頗近名豈期仕學百無成
屢移帶孔憐腰瘦欲理琴微覺手生拙
宦尙能行我法好官無過近人情
河橋酒幔青於柳更欲煩君唱渭城

將去渭南留別士民

渭城五見紫桃開，卻指青門趣馬回。
臨去精神如始至，未酬心事待重來。
六房判草皆親筆，大道垂楊盡手栽。
爲語後來勤護惜，滿城桃李要滋培。

長卿已是倦游時，無奈庚桑有去思。
漫以靴鞭酬眾望，卽論

書畫亦民脂。

余宦橐所餘皆書畫也

虛名似我甯堪噉，辣手於人未敢

施絃綬。自關儒者事，郅都鷹隼莫相疑。

赤水勘隄歸有述

補

馬度垂虹趁晚涼，意行經過幾漁莊。
溪亭柳色侵波漾，山店桃花雜飯香。
耕織最憐秦俗儉，靴衫不礙楚人狂。
眼前好景無人會，拾得明珠入錦囊。

冷口聞蟬

渠水羅紋挾雨清，稻田棋罫與雲平。
黃塵五月過冷口，才聽

新蟬第一聲

樊山續集卷二

恩施樊增祥嘉父

青門消夏集

起丁酉五月訖八月

寄遲菊崑山

崑山乞得神仙吏夫婦清齋學道裝法曲有誰記紅豆名城
分半種垂楊島與新城詞人自負張春水琴操知同范履霜一
曲鷗波今更綠評章書畫對焚香

戲效吳體遣閒

惠子移家惟有書沈侯今始還郊居老坡念佛放鸚鵡歐九
待賓留鯽魚自分桐鄉足香火斷無鼠穴乘高車陶公作吏
八十日羲皇上人我不如

暑夜

露下高梧夜氣清閒持團扇繞階行風從竹樹疏邊過星在
銀河淺處明剩有小花宜鬢影了無新雨滴荷聲桃笙八尺
常無寐數盡譙門長短更

苦熱

老柳垂門靜不波更無池水似摩訶曉鐘暫遣肌無汗午簟
誰言睡有魔五萬蒲葵猶恨少一重蕉葛已嫌多且將冷眼
看蛟蜃奈此炎炎煮海何

冰簟銀牀夢不真青奴朝暮最情親杜陵厦裏無寒士召伯
棠邊有喝人每飯祇疑身入甕串茶無補肺生塵玉魚擬向
環妃乞不爲青梅溢齒津

平世曾無六月霜經旬襤襪怯冠裳早將號令還金帝不少
詩篇咒木郎酷吏傳中求解脫北風圓裏卜行藏移山倘假

愚公手不借嶽巒便點蒼

五年種樹渭城東近接蓮花第幾峯
天上有船通玉井人間無價買松風
清涼居士於今少熱熱顏回在處逢
僦屋青門聊結夏軟塵休傍馬頭紅

六月望夜再賦

點點繁星荔子然明明飛鏡絳河邊
眠遲露裏花房蝶坐久風移柳外蟬
好雨似求無價寶微雲卽是有情天
補陀肯借楊枝水夜夜焚香大士前

簡西屏

渭北歸來倚瘦藤柳邊松下避炎蒸
鹽鹽總付添香妾蔬飯頻過好事僧
持扇人求詩裏畫煮茶客對雨中鐙
從來華子岡頭路祇有裴君伴右丞

伏日題陳蓮子白荷花畫障

自跋云乙巳夏飲朱氏園主人採白蓮置琉璃瓶中

坐玩移時炎暑盡
釋乃樂而圖此

百年絹素久傳馨想見芳園主客情
白藕花如君子淡玉樽
酒似聖人清風軟翠蓋參差偃水注
琉璃表裏明我亦題詩
當盛暑虛堂六月峭寒生

喜雨用前韻

六月十八

夜簷鳴雨沼添波未用霆噴復電訶
打疊衾裯迎睡興安排
燈火照書魔竹荷杜句催應就珠玉
蘇亭得最多熱客朱門
貪炙手扇欹其奈九秋何

蒼昊無言視聽真望霓最與小民親
際天禾黍還豐歲舉國
萱蘇少病人鐵馬紅簷時送響鈿車
銅陌不生塵小齋瓶硯
俱霑足不用蠙珠引月津

清朝吸粥下糖霜珠汗無因涇荔裳乍可臂鞢添小宋未勞
面粉拭何郎簾紋細細龍鬚卷衣桁深深豹脚藏蟬展登高
看紫閣萬松雲氣曉蒼蒼

雲意沉沉覆益東誰云閒處作奇峯剛如夏淺春深日快遇
朝南暮北風鵬鶚先秋思奮起蠅蚊失勢罷迎逢天西雨脚
明如綺百子池花晚更紅

送周懋臣府公守鳳翔

管領東湖千頃波髯琴羽扇意如何吏人馴狎親魚鳥官俸
清貧足芰荷儘有畫圖開北苑可無簽判似東坡應憐舊吏
朝 天闕暑雨駢車北渡河

昔王梅溪居武林作小詩十五首雖意取自適而了無
佳語余今年青門銷夏鍵戶讀書因和其十一首其

飲酒奕棋二題余所不嫻采菊則非時浚井則乏味

皆從略焉丁酉六月十九日

身在琉璃地心如明鏡臺祇須窗几淨莫掃落花開

掃室

硯水涓涓淨鱸煙細細香焚檀象雲霧俗熱蔡元長

焚香

少稱五經笥老作蠹書蟲還我雙秋水青燈眼鏡中

讀書

多師杜所傳兼愛墨非過莫爭數字安須讀萬卷破

賦詩

飲茶清我詩不飲使我睡吾愛蔡君謨白甌澹相對

若謨晚

則烹而玩之
煎茶

郝家摩腹久阮巷曬禪遲最憶文瀾閣斜陽似舊時

曝書

行與木屐俱佳與畫叉伍勿慕漢三公輕身聊光禹

策杖

水宿不中飲飯宿不中食磨墨與煎茶大都要新汲

汲水

世人愛紅紫忘澆根下土何異多牛翁守錢坐爲虜

澆花

星河少顏色欄楯借光輝欲賦山河影青箋有淚垂

已丑歲侍貴筑

公坐公曰余昔蓮池課士以山河影賦命題都無佳卷瑾兒擬作亦未佳非子其能為也月下追憶此語已歷九年公喬梓俱逝為之

賞月

對鏡掠我鬢戟枝森欲動無乃康紫霞驚回南嶽夢

見酉陽雜俎

覽鏡

客笑余不作飲酒詩書以自解

謾疑五戒是前身貪與端明作後塵度曲奕棋和飲酒祇應

三事不如人

墨客揮犀云子瞻自言平生有三事不如人謂著棋喫酒唱曲也

小詩窘於邊幅更爲七言廣之

掃室

手持茗帚致殷勤夢裏吹塵豈爲君祇合掃除天下垢莫歸

天上作長星

謂長星象帚也

焚香

兩廠橫分雪嶺高黃衣白馬競來朝祇今印度渾相偈薦薦
旃檀不忍燒

讀書

老死書叢作蠹魚問君解得四癡無七車三篋知何用宰相
惟消半部書

賦詩

秋實春華迥不同夷言掃盡漢唐風龍頭總屬歐洲去且置
詩人五等中
向來考據家薄詞章道學家薄考據經濟家又薄道學自西學盛而中國之經濟又無用遞推之而詩人居五等矣

啜茶

甘露稱兄笑米顛無人來共竹爐閒茶神夜泣清明雨牛乳

咖啡滿世間

曝書

剔取紅蟬掃綠莓竹垞亭對夕陽開渭南官滿惟書在不作

秦時簡冊灰

渭南城外有灰垞俗傳始皇焚書處

策杖

竹光夜照葛陂秋鱗角森然不可留豈意蛟龍落吾手酒家閒挂百錢遊

汲水

百尺穿成連夜井老坡此語爲荆舒青苗槁死民錢盡汲盡西江可得甦

澆花

花畦近接竹籬根日課奚奴澆瓦盆機事不營甘抱甕老夫

心許漢陰人

賞月

采石仙人世莫容承天寺竹委西風姮娥向後知誰賞獨立
青天碧海中

覽鏡

鶴骨棱棱瘦益奇鏡心無改舊容儀渭城五換風前柳贏得
嬌兒弄黑髭

或見余詩曰君詩人乃自居五等耶戲答一首

隱士中條事未諧誤將第一賞詩龕

司空圖詩債家自有麒麟閣第一功名只賞詩

策名聊可隨朱子

朱子更試五甲

銜壁猶當作許男驃騎功名徒自

苦司勳謁謝未能甘

宋人謝啓云杜牧文章僅得第五

片人如鯽鱗人蟻風

月區區敢妄談

月夜簡雲白

嚴城更漏隔花聞
金鏡飛來掃夕氛
老友試呼梅二丈
閒居全占月三分
極天樓閣涵瑤水
垂地流蘇蕩綺雲
今夕中嵩神女嫁
璆韶小相不如君

感事簡徐大令王孝廉

曾記王郎誓墓來
佩銅何意近三台
屠羊高節能無慕
洗馬屏軀忍見摧
漫試油錢誇手熟
幸教金斗熨眉開
依然蓮勺爲湯沐
祇當黃冠被放回

京兆街頭三走馬
黃塵白日使人愁
籠中至竟憐窮鳥
官裏何當捉野鷗
劍可傳人人不願
石猶生我我何求
移書幸得蕭并許
援取囚山桺柳州

戲贈竹生

柳宿明明見兩星
萱芳二草更傾城
分明記得中山語
好染髭鬚事後生

小白長紅滿意栽
畫眉窗下共徘徊
勸君邀勒春風住
留待花中命婦來

簾前鸚鵡喚茶甌
記向盧家問莫愁
隔著雲屏聞笑語
就中

清脆讓蘇州

一姬吳人

一生覓醉繞花叢
紅藥成科笑晚風
更比揚州增一朵
閨中

五相一漁翁

芍藥有花相之日

代竹生贈姬人

吳下迎來金犢車
扁舟網得錦江魚
晴窗臨徧哥哥勅
燈夕催成姊姊書
何限朝雲憐宋玉
等閒秋雨伴相如
天寒酒薄亭皋晚
解進泥金半臂無

代諸姬答

二喬二趙總憐才
閒泥蕭郎詠玉臺
五木經中誰得雉
百花頭上未舒梅
瓶笙候火茶香熟
墨竹含漪扇影開
紅杏詞人最情重
忍寒不御臂鞲回

代諸姬上袁夫人

時猶未嫁

姚黃一朵殿青春
珍重雲英未嫁身
禁裏丹青傳畫稿
周南粉黛是詩人
敢隨芍藥稱花相
早熬沉檀降玉真
白髮蕭郎欠公道
琴心朝暮錦江濱

慈聖萬壽川督以夫人畫進御

代夫人答

芙蓉江上掩花關
遙以通犀贈四鬟
病後琴心雙瑱在
機中錦字一春閒
方書檢點君臣藥
眉嫵平分大小山
異日卿曹如學畫
絳紗高第屬樊蠻

辭咸甯得請賦示竹生心齋

鵲語晴簷夕氣佳不勞拊馬過槐街南山白額誰能射東海

靈饒尙見懷

東臺惓惓意終未釋

願作漁竿長釣渭須知橘樹不踰淮

從今野鹿銜花去帶得宜春放免脾

得彥清書再寄

秦越相望江路賒把君書尺感年華空身自喻芭蕉樹老眼
全生蘭蕩花俊傑識時爭著論羣賢小集各名家老兄與洎
俱無用十色蠻箋未足誇

卽事

掃苔留淨土漱井敵炎氛齋罷焚香母吟餘翫綠君盆蓮開

品字籠餅作軌文

用秦小覲事

觸物成文字從嗤好古勤

消夏絕句

深黃竹簟賽琉璃長日如年罷奕棋傳得五龍甘寢法雲臺
道士是吾師

水樣紗厨碧似煙北風圖裏夏生寒市兒不解丹青事強送
吳中贗畫看

閉門聽雨檢書芸陋巷車聲久不聞徙倚閒廳看刷馬牌中
生肉似劉君

每日清齋煮露葵情知鶴貌不宜肥臂圍月計二分小宜稱
蓮花消瘦衣

幼安木榻掃蟲絲齋閣惜惜卧起遲今夜雨涼昨濃暖布襦
單複且隨時

佳樹何年植兩頭輝輝紅豔照簾鉤有花堪賞果堪喫吾愛
來禽安石榴

城市山林兩不知
曲牆雕砌納涼時
閉門便有江鄉意
一穗秋燈蟲紹絲

天新相如露一杯
酒鎗無意煮青梅
渭南桃熟生紅璽
蘇紙爲囊捆載來

妻爲點茶求茉莉
兒因解粽索沙糖
今朝初伏看貓眼
好漬花鹽曬子薑

早涼宜睡起常遲
起傍明窗改近詩
更寫兜沙經一紙
飯香魚熟已多時

十日閉門不肯出
隨身絹扇和梭拂
踝痕隱隱印蒲團
不識馬蹄是何物

夜來清露溼衣篝
小盞芳茶氣味柔
記得東坡好言語
涼天佳月卽中秋

仲先身是少微星琴嘯都舍古性情客至草堂無貴賤白衣
紗帽便將迎

長夏身雲閣卽事四首

老僧退院吏休衙風味蕭閒信可誇書畫紛綸消夏錄粥飴
淡泊養生家漆匱舊弄君臣藥井渫新繩子母瓜松下清齋
花下坐肯隨河朔門豪奢

眞宰與閒兼與嬾頑身非佛亦非仙蓮華香到三摩地草閣
寒深小暑天未讀兵書貪茗戰不談阿堵愛苔錢移居不少
花并竹今日樊川卽稚川

苦縣定知非慘礫漆園原不是荒唐漫游溟滓神爲馬小賣
癡歎鬼變牟除地呼僮移醉竹叩門有客致糟薑老來恃酒
輕言語贏得關中笑楚狂

數斷庖丁進卷酥閒呼阿段淪臬盧靴鞋行處憐生草頽幘
眠來據稿梧避暑石林曾有話攝生玉海尙留圖池塘淡淡
風吹水猶有閒情作賦無

靜觀

雨砌芳苔稍見侵靜觀物象一沉吟蓮胎自具花中果蕉乳
全抽葉底心蟾子有情縈鏡帶鞠通無意蠹牀琴浮山小識
多名理格致休從域外尋

閒居

極知名利不如閒謝遣車徒學閉關溫故書如逢舊友得佳
畫似品名山文章願繡譚箋上家世官審閣帖閒便欲黃冠
尋鑑曲可應青瑣點朝班

官裏偷閒暫息機金車生耳夢全非蒲城酒好桑初落玉井

蓮疏藕正肥雨過蟬聲時到枕風來花氣欲薰衣晚涼更下
南窗榻坐看流螢繞竹飛

題韓芸舫中丞龍湫宴坐遺照

八州敎厯舊知聞山澤間儀方面勳雁宕龍湫曾躡屐叅軍
開府總能文當年致治過姚宋再世論交得紀羣嘉道風流
今不見且開圖畫看松雲

樊山續集卷三

恩施樊增祥嘉父

朝天集上

雨宿華清

曉折垂楊向霸亭
滿衣香雨入華清
秋池留得殘荷在
來聽跳珠第一聲

霧閣雲房宛轉通
瀟瀟暮雨怨吳儂
卅年聽水聽風客
又落楓橋畫舫中

玉敲風竹晚寒輕
雨洗瑤階鏡樣平
幾點秋棠如怨女
一生紅淚不曾晴

閣道飛虹整復斜
石梯溜雨長苔花
無聊三上花神廟
閒倚危欄盼晚霞

挹翠亭晚坐

璚璫雲將繡嶺遮晚風吹雨濕窗紗秋眉換綠偏憐柳薄賴
施朱尚有花燕宿雕梁同是客魚依蓮葉便爲家環妃酷愛
溫泉好祇是難烹御貢茶

溫泉
味鹹

登萬壽閣

呼吸虛皇玉座通宮扉十扇面芙蓉青衫重過騎驢縣朱閣
平臨落雁峰三輔雪山全似畫二陵煙雨不勝濃欄前九曲
崑崙水誰信泥中有臥龍

贈湘勇被遣者

鐵衣力戰古河州豈意帷車作楚囚

每六人一車
與囚遞無異

寶劍千金

無用處不如歸換漏蹄牛

潼關

秦關茲第一終古鞏金湯雲氣成龍虎山名說鳳皇嶽蓮仍
夜碧河樹已微霜立馬高岡迥風墮在下方

出關後宿雨都霽風物暄美喜賦

仲秋氣候美於春雷轉雕輪不動塵高柳帶蟬兼帶露野花
留蝶亦留人昨衝寒雨離盤豆直送黃流到孟津十日霜晴
人意好北征詩語益清新

閬鄉

古堠排籤立虛沙抱郭圓店歇官道柳河蝕廢城甌地接嶠
陵險官如賈讓賢先是河蝕縣城幾半邑令孫君築壩捍水沈災始澹出關纔一宿拗
頸望秦川

靈寶

函谷東頭百雉城寶雞靈石共崢嶸道家初祖留尊號桓府

佳兒借小名關尹餌丹長不死龍逢化碧凜如生山行更得
文章訣起伏曾無一筆平

漫興三解

舊雨東南問訊疏新來郵政定何如江湖滿地皆羅網爲語
秋鴻莫寄書

煙禁全開責稅銀十家蠲果九家貧芙蓉好種君休種新用
三司赫驚賓

高談時務薄諸儒廢疾膏肓那易除惟有吾鄉真御史霜毫
能闢闢韓書

過函關爲薛君解嘲

臨川刻意薄田文好士誰如相國眞君看馬關今日事雞鳴
狗盜亦無人

破石道中戲咏

去馬來牛西復東短兵隘巷略相同兩蛟不並行淵底二鼠
何堪關穴中尹氏幸教邢氏避重人愁與傳人逢隨身都荷
錦伶鐻好策開山力士功

巨石礪礪我僕痛封泥繞雷險何如山形九曲珠穿蟻轍迹
雙銜柳貫魚馬邑城邊常東馬車箱峽裏怕逢車行經三帥
成禽地始覺蠶叢是坦途

過澠池見同年張景樓墓碑爲詩弔之

奪池舊恨與誰論長揖都亭有淚痕去國左徒名自重傳經
中壘道逾尊鵝湖羣弟攜哀詠熊耳諸山拱墓門客路看碑
缺雞酒車過三步益銷魂

余與景樓同散館改官臨別索余劾貴臣疏稿去追維

往事再賦一絕

小劫罡風墮玉清人言請劍誤平生庸知失馬眞奇福成就
邦衡一世名

渡河

客從滄海釣鼉還一葦杭河只等閒博望星槎儼天上敖曹
地虎在人間孤帆落日鉤盤水匹馬秋風廣武山又是宣房
霜溜急可無舟楫濟時艱

河上柳

官柳微霜絕可憐射鳥亭畔蕩秋煙一生辛苦河隄上繫罷
黃驄又繫船

郭村歇馬

市集逢辰日官橋一駐車綵旗田祖社垂柳餅師家兒索沙

糖粽奴斟石耳茶。羸驂更東去。行上沁河槎。

過武陟悼毛文達師

十年梁木委秋風。通德名鄉憶鄭公。朝有韓休中禁肅。世無
寇準北門空。傳家集付門人校。表墓文邀御製雄。高塚麒麟
麟得瞻拜。平生香瓣爲南豐。

提衡三上至公堂。弈弈中天北斗光。遺恨香山無相業。高名
吏部有文章。人才進退由冰鑑。國計安危視鬢霜。我亦公門
桃李樹。春風小謫在河陽。

自宣陽驛至獲嘉官路多植槐棗濃陰蔽虧枝拂行幃
誌之以詩

馬爲繞枝鵲。人爲翳葉蟬。輪轉綠陰裏。如舟行葦間。
棗實赤如砂。槐莢黃如玉。揚我紫絲鞭。眞珠撒帽屋。

置郵難記里繫絹不論株天竺燒香衙垂楊似此無
暑月常休馬春風好聽鶯綠雲三十里直到獲嘉城

獲嘉

漢帝東巡駐翠華捷書奏驛奏官家將軍近日無楊僕總把
樓船贈呂嘉

謁比干廟戲題

赤心可以剖當刳和山之腹驗真否叔父可以殺當使燕王
父子並伏高皇法暴君手段英君用天下快心羣小痛胡爲
三郎郎當建文走不學商辛施毒手吁嗟乎謂古無罔刑蚩
尤身爲涿鹿塵曾不損黃帝仁謂當貸親貴零兩三年誅管
蔡曾不爲周公罪不肖之心雖剖千百不爲殘紂獨何爲施
之於比干如彼祿山燕棣之屬反得完天平天平何其俱

比干墓

忠赤翻爲戮聰明亦誤身
智哉陳叔寶不作有心人
龍逢葬函谷比干葬淇汭
中隔白馬河盡是忠臣淚

曩與仲彝辛未下第丙子計偕兩宿泥溝驛皆有詩
奉贈今廿餘年矣丁酉八月廿八日重經斯驛再疊詩

韻寄仲彝徐州

驛柳依前作細波爲君青眼一高歌
貞元朝士存亡半長慶詩篇散佚多
同請左魚臨劇縣獨隨秋雁渡
長河逍遙堂背今宵雨松竹淒淒
冒女蘿後四句亦作案牘勞人感老大鬢絲如此尙關河何時鑑曲爲鄰並

三徑長開
掃薜蘿

湯陰謁岳廟

玉殿香煙拜冕旒英魂長是戀鄉陬
生無田宅同驃騎死有

李上卷之三
祠堂婉解州枉向杜郵悲白起直憐漢殿少朱游黃金倘鑄
凌煙像仿得雕青四字不

再題岳王廟壁

漫把弼戈挽落暉小朝廷上計全非藏弓自縱高飛鳥拔劍
長歌不逝騅九廟拚同花石碎兩宮空換木檠歸思陵報在
冬青樹殘骸飄零失玉衣

三字沈冤鬱未伸風波亭事劇悲辛灰中縛虎添公案湖上
騎驢有故人君是錢鏐終覆宋人非項籍孰亡秦東窗事發
雷霆在老檜分屍是後身

旅懷

盡室扶攜再入燕青袍白馬意蕭然誰知詣關朱槐里翻類
移家葛稚川午渴嬌兒催茗飲曉粧萊婦飾花鈿霜橋月店

是詩處塵髻消磨三十年

余戊辰計偕年二十有二今三十年矣

彰德道中

驅馬安陽道風沙北去遲
草荒韓尉宅花瘦魯連陂
過寺聞茶版逢村盼酒旗
論才到河朔可似建安時

鄴城懷古

六鎮雲從賀六渾阿瞞仲達漫同論
關中黑獺猶偏霸城裏青禽亦至尊
斛律按歌雙墮淚爾朱調鏃一消魂
春風別起香姜閣獨惜蠕蠕負主恩

磁州

水滿雙溪柳弄絲南中風物此閒移
清秋雨爛茨菇葉大似西灣送別時

稻香漠漠水田風房子新絲雪色同
奚女獨來殘照裏爲郎

纖手摘蓮蓬

三十里清溪秋城落照時
琢莢成狗馬占水養鳧鷖
菱芡資生計棉桑識土宜
沿流俯明鏡殊觸故園思

黃梁觀

人間將相盡盧生
富貴誰非枕上經
此最道家凡近語
以生爲夢死爲醒

過沙河巖作

青巖徐行不受撾
光搖銀海生針花
金剛經語渾記得
四十竿恆河沙

將抵都門先以一詩寄壽平

三秋別意苦難降
君是強荆我陋邦
五十華年融過二
縱橫才氣廣無雙
懷人舊啟停雲館
僦屋新開聽雨窗
怪底星轅

都不出天留老友話冬缸

曉發三河店

村櫟遙聞報五更
藜牀睡思尙膏騰
芻莢早秣來朝馬
梳洗猶然昨夜燈
茆店網塵縈臥具
葦橋霜色上行騰
趙州此去茶方熟
我亦天涯行脚僧

過方順橋用丙子題壁韻

重倚橋欄照鬢絲
舊題久被網塵欺
飽看柳色兼山色
苦覓僧詩與妓詩
余收近人詩僧妓兩門獨缺
偶聽綠么還命酒
任訶黃九亦填詞
都門此去黃花近
走馬欣逢看榜時

重過蓮池悼黃子壽師

經濟家兼著述家
山邱零落感侯芭
登龍舊地渾如昨
乘鶴仙人去已遐
避世欲尋赤松子
臨池不見白蓮花
當年屬賦

山河影淚滴藤蘿月又斜
奎畫樓檻聯有請看石上藤蘿月之句

過定興有懷府主鹿滋軒督部

蜀國嚴公久建牙故園喬木尙清華
旌旗豔奪秋江錦臺榭閒扃綠野
花貂綺五千能得士車營八百自傳
家庾郎舊在紅蓮幕回望青城起暮霞

涿州謁張桓侯祠

咫尺樓桑王氣浮英靈如虎視神州
蠶叢攻取偕諸葛虎帳溫柔納夏侯
亦有雄威震華夏兩看嬌女建長秋
閨中更賽香花社不廢巴江萬古流

良鄉道中用泊鷗山莊韻

古錦奚囊未算貧據鞍贏得瘦吟身
孤城粉堞猶聞角斜日紅林欲誤春
早暮消愁惟鬻酒古今有味是京塵
七年再覓

春明夢直恨黃壚少故人

戲贈

檀槽一曲一銖金酒盡香消月挂林神女若疑身是夢歸持
羅帶認林檎

九日宿新店徵歌命酒賦示閨人

新店斜陽一駐車更三十里是京華六么小令翻桃葉重九
清吟負菊花有酒頓令彭澤喜無詩未害李琪佳多情一片
蘆溝月早照斑駁到婦家